

ARTIN PLAN

Viertis lis iscrizions ae Edizion 2011: in pali premis par 28 mil euros

# Start Cup: là che lis ideis a puedin diventâ impresis

A son viertis lis iscrizions a Start Cup, la gare tra ideis inovativis promovude dal ateneu furlan cu la poie de Fondazione CRUP.

Pensade, progettade e costruide par racui ideis, piçulis o grandis che a sedin, e trasformâlis in impresis, dilunc dai agns Start Cup al è diventât un pont di riferiment no dome pai universitaris ma soredut pal sisteme economic. Parcè che Start Cup al vûl jessi un strument dulà che si impare a metisi in zûc, a scometi su lis propriis capacitâts, su lis propriis ideis. Pensant al futur.

## MA CE ISAL DI PRECÎS?

Start Cup al è un concors tra ideis imprenditorîals inovativis presentadis sot forme di business plan. Al à vût origjin intal 1990 a Boston, al mitic MIT, Massachusetts Institute of Technology, di dulà che a son nassudis impresis dal calibri di Hewlett-Packard Co, McDonnell Douglas, Texas Instrument, Gillette. In Italie e rive dîs agns dopo, intal 2000, a Udin intal 2003 in graciis de sensibilitât de Fondazione CRUP e al impegn di cualchi docent e funzionari de Universitât di Udin, in primis la retore di cumò Cristiana Compagn e Manuela Croatto, cumò responsabile des

relazion esternis dal ateneu daspò di 15 agns agns passâts a direzi la aree ricercje e trasferiment tecnologic.

## CEMÛT CHE AL FUNZIONE E CE CHE SI VINÇ

Tant che par altris garis al covenite iscrivisi. Pal 2011 al è timp fin ai 30 di Mai scrivint un modul sul sît web [www.uniut.it/startcup](http://www.uniut.it/startcup).

A puedin iscrivisi ducj a gratis: students, citadins, docents, imprenditôrs. Ai iscrirts e je garantide la partecipazion a un cors dulà che si impare a costruî un projet di imprese, al ven a stâi un business plan, che al à di jessi consegnât drentri de metât di Jugn ae universitât.

A ven daûr la valutazione e 15 projjets selezionâts a concorin

pe finâl locâl dulà che a son in pali premis par 28.000 euros.

A chest si zonte la partecipazion ae gare nazionâl, dulà che a son in pali cuatri premis di 100.000 euros ognidun e un finanziament tant che


capitâl di risi di 1 milion di euros!

## NOVITÀS 2011

La "Bancje des esigjencis" e je la novitât metude in cjamp inte edizion 2011 dal ateneu furlan. Scrivint un modul che si cjate sul sît web, lis impresis a puedin segnalâ

Croatto, project manager e di Start Cup - la "Bancje des esigjencis" e je stade volude a fuart di Ateneu furlan e Fondazione Crup par valorizâ al miôr il rûl des impresis."

Start Cup Udin - e sotlinee cun sodisfazion la retore Cristiana Compagn - si conferme un model dinamic e atent aes esigjencis dal teritori, sedi in ambit sociâl che economic. Il cjapa drentri costant dal mont de imprese, di là di chel universitari, al cree i supuescj pe realizazion di projjets bogns pal trasferiment tecnologic e pal svilup competitiv di dut il teritori». «Ae sò otave edizion - al aferme il president de Fondazione Crup, Lionello D'Agostini - Start Cup continue a jessi un motôr impuartant pe ricercje, bon di rinnovâsi in maniere fis-



**Il President de Fondazione Crup, Lionello D'Agostini intant de presentazion. A man drete, la retore Cristiana Compagn. A çampe, Manuela Croatto, responsabil des relacionos esternis**

i lôr bisugns di inovazion in mût di stimolâ la creativitât di students e ricercjadôrs impegnâts a progettâ il lôr business plan. «Za acetade cun entusiasim des Associazions di categorie - e sclaris Manuela

se e di cjapâ drentri il sisteme economic regionâl. Si trate, duncje, di une iniziative che o sostignin no dome in maniere economiche, ma ancje travers une partnership ative e partecipe».